

საქართველოს მთავრობის

განკარგულება №186

2014 წლის 7 თებერვალი

ქ. თბილისი

საქართველოსა და ევროკავშირის შორის ასოცირების შესახებ შეთანხმების, რომელიც მოიცავს ღრმა და ყოვლისმომცველი თავისუფალი სავაჭრო სივრცის შესახებ შეთანხმებას, ეფექტიანი განხორციელების მიზნით გასატარებელ ღონისძიებათა შესახებ

2013 წლის 29 ნოემბერს „აღმოსავლეთ პარტნიორობის“ ვილინიუსის სამიტზე განხორციელდა საქართველოსა და ევროკავშირის შორის ასოცირების შესახებ შეთანხმების პრაფირება. შეთანხმების ხელმოწერა იგეგმება არა უგვიანეს 2014 წლის ადრე შემოდგომისათვის. ასოცირების შესახებ შეთანხმების იმპლემენტაცია დაიწყება მის ხელმოწერამდე, ე.წ. „ასოცირების დღის წესრიგის“ საფუძველზე. საქართველოსა და ევროკავშირის შორის დაწყებულია მოლაპარაკებები ასოცირების დღის წესრიგზე, რომელიც მიზნად ისახავს ხელშეკრულების იმპლემენტაციისათვის სოლიდური საფუძვლის მომზადებას და შესაბამისი პრიორიტეტების განსაზღვრას 2014-2016 წლებისათვის. შესაბამისად, დღის წესრიგში დგება აღნიშნული შეთანხმების ეფექტიანი განხორციელების უზრუნველყოფის საკითხი.

ზემოაღნიშნულიდან გამომდინარე,

ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრის აპარატს დაევალოს:

1. ევროკავშირთან ასოცირების შესახებ შეთანხმების განხორციელების ერთიანი პოლიტიკის შემუშავება, მისი განხორციელების საერთო კოორდინაცია და მონიტორინგი.
2. შესაბამისი სამინისტროების პრიორიტეტების გათვალისწინებით და მათთან მჭიდრო თანამშრომლობით, ერთიანი ეროვნული სამოქმედო გეგმის მომზადება.
3. ასოცირების შესახებ შეთანხმების განხორციელების მხარდასაჭერად, ევროკავშირისა და ევროკავშირის წევრი ქვეყნების დახმარების ფარგლებში პროგრამების საერთო კოორდინაცია.
4. საქართველოს კანონმდებლობის ევროკავშირის კანონმდებლობასთან დაახლოებისა და შესაბამისი საკანონმდებლო ღონისძიებების ეფექტიანად განხორციელების მიზნით საქართველოს პარლამენტთან კოორდინაციის გაძლიერება.
5. ასოცირების შესახებ შეთანხმების განხორციელების ყოველწლიური ერთიანი ეროვნული სამოქმედო გეგმის შესრულების 6 თვის და წლიური ერთიანი ანგარიშების მომზადება.
6. ევროინტეგრაციის საკითხებზე სამოქალაქო საზოგადოების ჩართულობის ხელშეწყობა.
7. ასოცირების შესახებ შეთანხმების ღრმა და ყოვლისმომცველ თავისუფალ სავაჭრო სივრცესთან დაკავშირებული ნაწილის განხორციელების საკითხებზე საქართველოს ეკონომიკისა და მდგრადი განვითარების სამინისტროსთან თანამშრომლობის კოორდინაციაზე პასუხისმგებელი პირის დანიშვნა.

საქართველოს ეკონომიკისა და მდგრადი განვითარების სამინისტროს დაევალოს:

1. ასოცირების შესახებ შეთანხმების ღრმა და ყოვლისმომცველ თავისუფალ სავაჭრო სივრცესთან დაკავშირებული ნაწილის განხორციელების საერთო კოორდინაცია და მონიტორინგი.
2. ასოცირების შესახებ შეთანხმების განხორციელების ყოველწლიური ერთიანი ეროვნული სამოქმედო გეგმაში ჩართვის მიზნით, ასოცირების შესახებ შეთანხმების ღრმა და ყოვლისმომცველ თავისუფალ სავაჭრო სივრცესთან დაკავშირებული ნაწილის განხორციელების ერთიანი ეროვნული სამოქმედო გეგმის მომზადება.
3. ასოცირების შესახებ შეთანხმების ყოველწლიური ერთიანი ეროვნული სამოქმედო გეგმის შესრულების ერთიანი ანგარიშში ჩართვის მიზნით, ასოცირების შესახებ შეთანხმების ღრმა და ყოვლისმომცველ თავისუფალ სავაჭრო სივრცესთან დაკავშირებული ნაწილის განხორციელების 6 თვის და წლიური ანგარიშების მომზადება.
4. ასოცირების შესახებ შეთანხმების ღრმა და ყოვლისმომცველ თავისუფალ სავაჭრო სივრცესთან დაკავშირებული ნაწილის განხორციელების საკითხებზე ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრის აპარატთან თანამშრომლობის კოორდინაციაზე პასუხისმგებელი პირის დანიშვნა.

საქართველოს საგარეო საქმეთა სამინისტროს დაევალოს:

1. ევროკავშირთან პოლიტიკური დიალოგის წარმართვა, მათ შორის, საქართველო-ევროკავშირის თანამშრომლობის ინსტიტუტებისა და პრიორიტეტულ თემებზე პოლიტიკური კონსულტაციების ფარგლებში.
2. საქართველო-ევროკავშირის ასოცირების დღის წესრიგის შემუშავებისა და განახლების მიზნით ევროკავშირის მხარესთან მოლაპარაკებების პროცესის კოორდინაცია.

სსიპ საქართველოს საგარეო საქმეთა სამინისტროს სასწავლო ცენტრს დაევალოს:

ასოცირების შესახებ შეთანხმების ეფექტიანი განხორციელების მიზნით ინსტიტუციური შესაძლებლობების განვითარების ხელშეწყობა კომპეტენციის ფარგლებში.



საქართველოს იუსტიციის სამინისტროს სსიპ საქართველოს საკანონმდებლო მაცნეს დაევალოს:

ასოციირების შეთანხმების განხორციელებასა და შემდგომ ანგარიშგებასთან დაკავშირებული ევროკავშირის შესაბამისი კანონმდებლობის ქართულ ენაზე, ასევე, საქართველოს კანონმდებლობის/კანონპროექტების ინგლისურ ენაზე თარგმნა.

შესაბამის სამინისტროებს დაევალოს:

1. არსებულ სტრუქტურაში გაამლიერონ ევროინტეგრაციაზე მომუშავე სამსახურები და გამოყონ აღნიშნული საქმიანობისთვის პასუხისმგებელი პირი (მინისტრის მოადგილის დონეზე).
2. ასოციირების შეთანხმებით განსაზღვრული სამინისტროს კომპეტენციის სფეროში არსებული საკითხების განხორციელების ყოველწლიური ერთიანი ეროვნული სამოქმედო გეგმის შემუშავება.
3. სამინისტროების კომპეტენციების შესაბამისად, ასოციირების შესახებ შეთანხმების პრიორიტეტების სრულფასოვნად ასახვა ასოციირების დღის წესრიგის თაობაზე საქართველოს მთავრობის ყოველწლიურ ერთიან ეროვნულ სამოქმედო გეგმაში.
4. ასოციირების შესახებ შეთანხმების ყოველწლიური ერთიანი ეროვნული სამოქმედო გეგმის შესრულების ერთიან ანგარიშში ჩართვის მიზნით, ასოციირების შესახებ შეთანხმებით განსაზღვრული სამინისტროს კომპეტენციის სფეროსთან დაკავშირებული ნაწილის განხორციელების 6 თვის და წლიური ანგარიშების მომზადება.

პრემიერ-მინისტრი ი. ღარიბაშვილი

